


## Censo Economico 2014 a yega den e di tres siman di su ehecucion

Censo Economico 2014 organisa pa Oficina Central di Estadistica (CBS) ya a yega den e di tres siman di su ehecucion y te cu awor esaki a resulta sumamente exitoso, danki na e cooperacion sublime cu e encuestadonan ta haya di e doño y managernan di e establecimentonan.

Asina nos por mira cu te cu 5 di november 2014 CBS a logra compila informacion completo di 2,144 establecimiento. Esaki ta indica cu CBS ya tin 65% di e total di 4,365 establecimentonan cubri. E establecimentonan cu a indica cu nan ta hoofdkantoor lo wordo bishita un biaha mas pa colecta informacion di tur nan filialnan.

Den e comunicado aki CBS ta duna un otro ehempel di informacionnan valioso y util cu por wordo obteni for di e Censo Economico aki. A haci uzo di informacion y mapanan preliminar cu a wordo compila na cuminsamento di 2014 specialmente pa e Censo Economico 2014.

Den e grafico adhunto ta ilustra e situacion den e districto di Savaneta caminda ta biba 11,329 persona den 3,869 hogar cu un entrada mediano di 3500 florin pa luna pa hogar. Cu e datonan obteni por destila cu den un area di 3 kilometro for di centro di Savaneta tin den total 40 establecimiento cu ta bende cuminda.



Asina por haci e tipo di analisisnan aki tambe den e otro districtonan y cu esaki un comparacion ekilibra lo por wordo haci door di un inversionista na momento cu e ta desea di establece un lugar di bende cuminda na Aruba.

Ta pesey CBS ta spera cu e cooperacion di parti di e doño y managernan di establecimentonan lo continua den e simannan proximo, ya cu nan cooperacion ta hopi importante y ta haci e diferencia.